

ITLF BULLETIN

A Publication of ITLF Media & Publicity Department

VOLUME I-ISSUE NO 28

INDIGENOUS TRIBAL LEADERS' FORUM

THURSDAY 6 JULY 2023

Heutute Delhi zin uh

Central Government in i gam buaina toh kisai in i heutute houpah ut ua, tuni in ITLF heutute Delhi lam zuan ding in kuankhia uhi. Phualpi Delhi ah i political demand uh "Total Separation from Manipur" mah heututen dinpih a, kiptak a ahong pan uh deihsakna liantak i pia ahi.

Thu kiza dan in July 7 chiang in Director Intelligence Bureau toh kimu ding ua, July 8 chiang in Home Secretary toh kimu nawn ding ua, huai zoh July 9 chiang in Union Home Minister toh kimu ding chih ahi.

Heutute'n i demand leh i dinmunte uh hangsantak a ava gen theihna ding un kua peuhmah in i thumna chiat uah phawk chiat ni.

A tak leh zuau zaw a kithei kei a, a kizak dan in Prime Minister in August 15 Independence ni ngei a bang hiam ei a di khovel theih a phuang khe ut hi in gen uhi.

ITLF a kipan Chairman Pagin Haokip, Secretary Muan Tombing leh Thangzamang Hangsing, Ex-Officio ITLF te Delhi lam a din kalsuan khia uhi. Amau omlouh sung in Letpu Haokip in Overall Co-Ordinator hihna len ding a, Hauneilal Vaiphei in Chairman Incharge len ding a, Chinkhup Tombing in Secretary incharge len ding hi.

ITLF in website thak nei

A paisa 3rd July 2023 ni in ITLF Media Cell malakna in ITLF official website hon khiak in om hi. Rev Dr. LH Jacky Simte in ITLF website thak honkhiakna nei a, Rev Dr. Lamboi in Pathian kiang a website latkhiakna nei hi.

ITLF website thak ahih leh <http://itlfmediacell.com> hi a, hiai website a ITLF Press Releases, Bulletin, Document poimoh tuamtuum, Video tuamtuum leh limlakte kikoih hi. Meitei ten ITLF letterhead zang in thuzuau (fake) Press Releases bangzah vei hiam ana bawlta ua, tua website omta ahih man in, ITLF website a kikoih lou Press Release te fake ahi chih chiangta ding hi. Kuapeuh in hiai ITLF website a phatuam pen in zatsawm ni.

ITLF Women Wing leh ITLF Planning department bawl in om

Hun bangtan hiam ITLF Women Wing nasemlou a om pen apaisa 30th June 2023 ni in hih hingthak in om a, tua ban ah a poimoh om ziaik in ITLF Planning department bawl in om hi. ITLF Women Wing Convenor ding in Mary Jones tel in om a, ITLF Planning & Rehabilitation Convenor ding in Kham Guite seh in om hi.

Tu in ITLF nuai a department omte ahih leh Finance Department, Relief & Medical department, United Tribal Volunteer, Legal Cell, Media Cell,

Women Wing, Student Wing, Steering Committee leh Planning & Rehabilitation department te hi uhi.

David Thiek lu tantu theih hita

A paisa 02 July 2023 ni in Meitei ten Langja khua inn 28 ana haltum ua, huai hun ah village volunteer David Thiek a lu tansak in a taksa sem nen in haltum uhi. Social Media ah David Hmar lu kitansa tawi lem kitakkhia akipan suizuina tungtawn in David Thiek Hmar lu tansak tu theih in omta hi. Amah ahih leh Mairembam Romesh Mangang S/O Achouba Singh of Ithai Barrage hi a theihkhiak ahi. Amah ahih leh Kumbi MLA Sh. Sanasam Premchandra Singh PRO leng hi a, Manipur Govt leh Meira Paibis te toh nasatak a pangkhawm a Kuki-Zo te thahchimitna dia panla hi.

School kai lemtang nailou

Directorate of Education Schools Manipur order thusuah dated 03 July 2023 dungzui in 5th July 2023 akipat School Class I-VIII pat ding chih himahleh i gam buaina in hoihlam nawtnailou ahih man in, i gam ah school kihong nailou hi. Apaisa 1st July 2023 in United Tribal Volunteers, ITLF in galmuang hinailou i hihdan thusuah bawl in School hon nailouh phot ding ana chi hi. Niteng phial in i gamgite ah kikaptuahna om gige ahih ziaik in kua peuhmah pilvangtak a om ding in theisakna ana bawlta uhi.

SUAHTAKNA DING IN KIPUMKHATNA MAH POIMOH HI

Kha nih bang i tribal movement i na paipihta uhi. Tu nitan a i kipumkhatna uh thupi mahmah a, i pankhawmna uleh Pathian panpihna ziaik in melmate'n a deihs bang un hon zou nailou uhi. Melmate asang a sim hong kuansek mah leh uh i puk kei a, Pathian i phat ahi.

Tu'n i maban a i political demand uh "total separation from Manipur" i muhtheihna ding un i kipumkhatna mah uh poimoh toutou lai ding hi. District tuamtuum a singtangmi Kuki-Zo tate lungsim khat a luangkawm a i pankhawm nak u leh zohlouh ding omlou hi. Tu lel in Lamka leh Pherzawl district ah ITLF in ma la a, Kangpokpi district ah Committee on Tribal Unity (COTU) in, Chandel ah Kuki Chiefs Association (KCA) leh Tengnoupal ah Hill District Council (HTC) in ma la a, kipahhuai hi. Tua i gen organisation teng leh i MLA 10-te toh pangkhawm in, i SoO groupte toh kalsuan khawm in, i thil nget uh leng i muh ngei uh lam et huai hi.

Huai ziaik in mipiten i heutute leh makaite nungthuap siam in, i kipumkhatna uh lenkip in, kituahlouhna di thilte koihkhia in, tu tung in a tuam a kivaihawmna i neihtheihna ding un lungsim leh tha seng in pangkhawm tou zel ni. Meiteite akipan suahtakna i deihs leh kipumkhatna lounal lampi dang omlou hi.

- ✓ Buai akipat in ITLF in Memorandum 15 peta a, Press Release 28 suahkheta a, Public Consultation Meeting 2 vei samta hi.
- ✓ Joint Praise Program tuni 6th July di chih himahleh lemtang zaw etna in postpone phot ahi. Program hun ding theisakna hong kibawl nawn ding hi.
- ✓ Lamka sung a protest or rally ahih kei leh 'Wall of Remembrance' mun zang ut ten ITLF theihsakna bawl masak a hoih ding hi.
- ✓ Meiteite inn leh lou ahih kei leh dawr a luahte uh ITLF theihpihna omlou in kua mah in zuak hiam ahih kei le nam dang luahsak louh ding ahi.
- ✓ Sihna leh liamna tuakte, inn leh lou kisete FIR bawl nailou i om leh ITLF Legal Cell thuzak pah ding ahi. Legal Cell te Lamka Govt College, Hiangtam Lamka ah kimuhpih theih gige ding uhi.
- ✓ I galvan neihte leh bawlkhiakte uh kipahpih huai hina pi in Social Media a i takkhiak Chiang un melmate a dia panlaktheihna ahih man in, takkhiaklouh ding ahi.
- ✓ Pauthei chih ziaik in Press leh Media kihoulimpah kipong thalawp louh ding ahi. Gen leh genlouh ding thil om ahih man in, pilvanhuai mahmah ahi. Media le gal kidouna chi khat ahih man in, pilvang chiat ni.

UPDATE TILL 06 JULY 2023

109
CONFIRMED DEATHS



197
VILLAGES BURNED



7000+
HOUSES BURNED



359
CHURCHES BURNED



41425
DISPLACED PERSONS



204
RELIEF CAMPS

RELIEF SUPPORT

Office: Lamka Govt College, Hiangtam Lamka

Contacts:

Mangcha Thangzom – 8837368373 (Convenor)

V. Gouthianmuan - 9862086583 (Co-Convenor)

FINANCIAL SUPPORT

Office: Lamka Govt College, Hiangtam Lamka

ITLF Joint Bank Account:

Name: Henkhopao Haokip & N. Vialkhanthang

Account No: 41912626404

IFSC: SBIN0064016 | Bank: SBI Salbung Branch